


ORATIONES
QUARUM ALTERA
FLORENTIAE
ANNO MDCCV.

ALTERA VERO
GENUAE
ANNO MDCCVII.
HABITA EST.



AMSTELODAMI,
MDCCX.





ORATIO

HABITA CORAM

MAGNO ETRURIÆ DUCE,

primo Florentiam adventu, 1705.

EX Anglia, Serenissime Princeps, discedens, in mandatis habui, à Domina mea, Serenissima & Potentissima Magnæ Britanniae Regina, ut quamprimum Etruriam versùs inchoato itinere; quod tum hiberno tempore, tum viis, à militaribus copiis, obsessis impeditum, multò tardius,

A 2

diùs,

dius, quàm in votis erat, fuerit confectum; Celsitudinem Vestram adirem, & Ejus nomine, plurimâ salute impertirem, omnia offerrem præstareque Officia, quæ ad Benevolentiam tantos inter Principes alendam, augendamque, ad Commodum Utriusque Gentis, ad Publicum Bonum, spectare viderentur. Tandem verò longi equidem & difficilis itineris, transmissio Oceano, & tot Terris à tergo relictis, digna merces contigit, multum expectatus, lætusque Dies, quo fas est, congregi, adspicere, alloqui Principem, cujus Prudentiam, peculiare propriumque, per tot Sæcula Medicæ Gentis Decus, Etruria tua sentit, tota agnoscit, tota miratur Europa: cujus Amicitiam expetit, potentissima Terra Marique Regina; quæ nunc summâ, Domi, quiete; victricia ubique circumfert Arma, non quæstus, non potentia, non ostentationis gratiâ, non ad excutiendum innoxiiis Vicinis otium, non ad turbandos veteres Fines, non ut suis Regnis, Regna addantur aliena; sed ut Christiano Orbi, multa perpeffo mala, extrema metuenti, pax tandem solida, & mansura, & æqua Jura reddantur:

adeò.

adeò ut minimè verendum sit, tales inter Principes;
 co & ingenio, iis viribus, eo rerum usu præditos;
 quin omnia bonâ fide coalitura, solumquæ certamen
 in posterum futurum sit, uter alterum omni Officio-
 rum genere superet. Ad hoc etiam accedit, Sere-
 nissime Princeps, ex quo Angliam Nobilissimus
 Hospes adiisti, Benevolentia summa, vultu, sermo-
 ne, & quibus non Animi indiciis expressa & testa-
 ta, quâ semper excipis, Nostrates, Tuos, pænè
 dixerim, Anglos, (ita de nobis meritis es) Nata-
 libus & Indole inclytos, & aliquando Gentis suæ
 & decori & præsidio futuros; quos sibi Italia at-
 trahit, seu Civilis sapientiæ causâ, cuius sine Æ-
 mulo illa verè habetur Magistra; sive studio vi-
 dendi perlustrandique Regionem, quæ Rerum olim,
 suo merito, potiebatur; quæ non tantùm Armis,
 sed & ingenio, & Artibus prævaluit, & adhuc præ-
 valet; quarum nusquam, aut plura, aut majora
 exstant Monumenta, quàm Florentiæ, quàm in
 Principis Domo; quas ille Artes, ut privatus intel-
 ligit, ut summa potestate dignum est, sinu suo,
 complectitur fovetque: adeo ut in Patriam reversi,

nihil magis prædicent , nihil magis prædicandum habeant , quam COSMI TERTII Sapientiam , Comitatem , Magnificentiam.

Intercessit jam quoque per aliquot Sæcula , & in æternum precor obtineat ! Anglos inter & Etruscos necessitudo quædam , & summa Amicitia , innixa Fœderibus , commerciis coalita , mutuis conciliata affectibus ; adeo ut Vestrum Liburnum , suis , exterisque , at Anglis Mercatoribus maximè frequens , mercibus , opibus , copiisque omnium rerum abundans , florentissimum hodie totius Italiæ Emporium audiat. Hanc qui turbatam , qui non omni modò servatam esse cupiat , haud ille de Civibus suis , aut de Optimo & Sapientissimo Principe benè meruerit , tam suorum provideo , tam amico Nostrum. Sed nihil hujusmodi timere , nihil quidem suspicari permittit tanta inter Principes Animorum Conjunctio , tantum inter Utrique Subditos , quasi mutui Amoris , & omnium Officiorum certamen.

Certè nihil aliud in Votis habet , nihil suprà velit Domina mea , quam COSMUM TERTIUM , & Sui semper , & Magnorum Avorum similem ,
&

&, si fieri possit, Majorem, Illustrioremque, Valentem, Vegetumque, rebus probè fluentibus, superstitibus Liberis, fundatâ Domo, Famâ, meritisque ingentem, longum Etruriam regere; hunc Populum, hanc Urbem, semper curam Mediceæ Gentis futuram: florere, & indies augeri Commercium; & si qua in parte, more rerum Humanarum, aut Sæculorum tractu, aut Hominum negligentia, non sua, nedum publica, semper ritè curantium; aut injuriâ Potentiorum, aut ipsorum denique Principum Ediçtis, varia pro tempore statuentium, prout publica fortè Utilitas suadere videbatur; sed quibus, ut magnis ubivis, & quolibet ævo, constat Exemplis, non publica semper respondeat Utilitas; immutata in deterius cesserit, ea in integrum reponi; si qua adhuc reperiri possint, quæ in Commune Utilia sint, ea veteribus adjici, pactisque denuò firmari servarique. Et sane Commerciis non minimè continentur, & Felicitas subditorum, & Magnitudo Principum: quorum etiam amplitudini & securitati, & ut unâ Christiani Orbis, & Totius Humani Generis bono

no melius consulatur , justis conditionibus pacem
tandem aliquando turbata , afflictæ , laboranti Eu-
ropæ , Summi Numinis beneficio dari concedique:
ut Italia etiam Vestra , Communis olim Patria ,
quod maximè cordi est Optimæ Reginæ , Etruscæ
Gentis Fautrici , Medicei Nominis Cultrici , non
tantùm à Bello , sed etiam à Belli metu secura sit.





ORATIO

AD

SENATUM GENUENSEM

Habita 17. Mart. 1707.

PER tot sæcula in hunc usque diem,
cultam mutuis Officiis & Fide, Re-
gnum inter Angliæ, florentissimamque
Vestram Rempubicam, Serenissime
Dux, Patresque Genuenses, stabilem-
que adeò, imperturbatam, & diuturnam Amicitiam,
ANNA Magnæ Britannæ Regina, Mari Terræque
omnium potentissima, & servare liberis, neque
B tan-

tantum ad posteros transmittere, sed & ad summum quoque culmen, pro bono Utriusque Gentis Publico, proque Orbis Christiani commodo, producere atque promovere parata est. Et quidni Illa, Gensque Anglorum, quæ læta Imperio subest, jussisque pareret, Armis Victoriisque per Orbem Terrarum hoc sæculo, & quo non sæculo? potens & incluta, ac superioribus equidem, Bello Sacro, per Orientem, devictâ Cypri, & servatâ Syriâ insignis, ac ni Gallorum, semper Anglorum gloriæ, commodisque, & communibus Christianorum utilitatibus adversantium, nobis & artes, & fraudes, & demum arma obstitissent, Hierosolymorum etiam, sub Ricardo & Heroe suo, Victrix, ac Sacri Sepulcri Vindex futura: & nunc Oceani Mariumque Domina, orbemque totum Classibus Commerciisque complexa, non optimè velint, non optima precentur Ligurum Genti fortissimæ felicissimæque & in Italia contra vicinos æmulosque toties Victrici, & tantum non Domina Venetiarum, celeberrimæ maximæque Reipublicæ, ac superi Maris Insularumque Regina, se ei sub conditionibus submittentis; & insuper Pisanorum

tan-

tandem ultrò se vobis dederunt, sed seu pro Majestate, seu pro Modestia; quarum altera Virium, altera Ingenii sibi imperantis, modumque, quod raro fit, suæ Felicitati statuentis, non leve indicium; Imperium & preces, vix Posteris ac Minoribus creditum, non admissa, aut accepta? Foris Arma & Tro-pæa, per Hispanias, per Mauritaniam, per Asiam, perque omnes quasi Terrarum partes Veteribus Majoribusque cognitæ, contra Fidei Mundique Communes Hostes, diros impiosque Saracenos, circumlata: totumque Internum Mare, ejusque sinus, ipsamque Bosporum, & extremum Euxinum, Claf-sibus & Triumphis plena: atque Monumenta rerum gestarum amplissima ac perpetua, Minorica, Sardinia, Chius, Cyprus, Corsica adhuc Vestra, in Sicilia Syracusæ, in Eubœa Chalcis, in Creta Cydon, Urbes Gentium Dominæ: Almeria ac Dertusa in Hispaniis, Tripolis, minorque Syrtis in Africa, Pera ad Bosporum, Amistra in Taurica, Civitates ad Mæotidem paludem, & ad Tanain in confinio Europæ Asiæque; inque Asia ipsa, ut de Tripoli, Byb-lo, Joppa omnium antiquissima taceam, Ptolemais,

& Cæsaria, Syriæ & Palæstinæ Capita; Sidon, Ty-
 rusque, navigationibus, divitiis, fama conspicuæ,
 Marique nullo non ævo dominantes, Vestræ omnes!
 Et ubi non auditum celebratumque Ligurum nomen,
 & cognita potentia? Ipsaque Hierosolyma, Heroicis
 istis Temporibus, plurima per secula, Sacrorum ac
 Religionis unica sedes, Vestris Auxiliis, Manibus
 Vestris, Christo suo, ac Communi Domino, asserta
 redditæque: & in ipso Sepulcro, ipsam supra A-
 ram, visa Genuensium Insignia; & in sacratissimo
 Orbis loco, in memoriam Virium simul & Pietatis,
 à Balduino Rege & Victore, agnitum, cunctisque
 Populis Sacrum adeuntibus, in exemplar propo-
 situm, præpotens Genuensium Præsidium! Tanta-
 rumque rerum præmia, præter laudes æternas, ob
 defensum propagatumque apud profanas rebellesque
 Gentes, Christianum Nomen; Commercia ubique
 culta, & quasi Mereium Domicilia, Theodosiæ,
 Peræ, Ptolemaide, omnibus tunc copiis abundanti-
 bus florentibusque, constituta; & Genua tantum non
 Mundi Emporium. At quasi hæc omnia parum fuis-
 sent, altera quoque India, sed longè opulencia ac
 am-

amplitudine præstans, Novus planè Orbis, tunc primum à Cive suo Columbo detectus, & in nostros usus apertus, Vestras quasi nunc inter Provincias censeretur, & Genuensibus quodammodo vestigal esse: Ibi quidem Aurum eruitur, inde in Europam defertur; huc verò tandem navigat adpellitque; hæc Sedes Ultima, Divi Georgii sunt Occidentis Thesauri. Quid majus ergo Vobis, Patres Conscripti, quàm veteri Fama frui, & recentibus præsentibusque Divitiis, Libertate simul ac Quiete, & in posterum Securitate? Hanc nunc Populis præstat Anglia, neque permittit illis amplius timere à Gente superba, inquieta, & viribus nuper voto, quasi totius nostræ Europæ Imperium complexa. Angli & Genuenses easdem Cruces extollimus erigimusque, sanguineas viâtricesque: eundem colimus Patronum, Divum Georgium, ubique Victorem & Triumphantem: Nos Utrique, primi omnium Populorum Christianam Fidem, ac sacra vera & salutaria, publicè recepimus & professi sumus. Oh quanta mutui Amoris utrinque Argumenta & vincula! Neque Vobis noti sumus ac horrendi incendiis

diis & ruinis, ac toties fractâ, & violatâ fide:
 Vestris credite Annalibus, & sæpiùs etiam, frustra licet ac infelicitèr, contra libertatem conjurationibus atque armis motis. Non Sociis Socii, Dominorum instar, imperamus; non Principem, non Senatum, ut Famulos nostros tractamus; aut pro nihilo, Jura Imperii, & Majestatem Reipublicæ habemus. Veneramur reveremurque Aurias Spinolasque, veros Patriæ Patres & Liberatores, & Libertatis, utili Exemplo, cùm Bello, tum pace, Vindices ac Conservatores. Valent Commercium semper in præteritum, Vobis apud Nos illa, semper & in futurum, tuta & secura. Æqui enim omnibus, nullisque præterquam Hostibus, eisque solùm publicæ Pacis ac Quietis turbatoribus tremendi. Exercitus Classesque, foràs tantùm emitimus, prout Gentium Usus, & Commune Bonum postulant; publico Mundi Vestroque, minimè Nostro insistentes. Hæc sola Virtus ferè ipsis incognita Romanis! Id erigendo afflictos populos, Jura Regum, majori antea vi ac potestate oppressorum

rum afferendo ; Bataviâ iterum , Germaniâque ,
 quæ Veteres Imperii Vices ac Majestatem ægrè su-
 stinet ac tuetur , nuper servatis ; redditâ modò
 Veteri Domino Insubiâ , atque à Gallis erepto ,
 suoque Principi vindicato Taurino ; Amedeus ete-
 nim Eugeniusque , fortissimi Heroes , ultrò agnos-
 cent quantum in ea parte Angliæ debeatur ; Hispa-
 niâque ipsâ , novi alteriusque Mundi accessione ,
 tumente , oh quanta Rerum perpetua Vicissitudo !
 jamdudum domi Gallicum perpessâ Jugum , sociis-
 que Anglis Batavisque , quorum Ope demum ex-
 cutit , consciis ac testibus ; atque cunctarum etiam
 Nationum , consensu ac admiratione , plausuque
 constat. Neque in alium finem impræsentiarum ,
 ab Anglis Terra Marique ubique vincitur , ac
 Oceanus ipse , qua latè patet , & per Orbem diffun-
 ditur Univerſum , & Mediterraneum Mare , no-
 stris Classibus navigantur implenturque , quàm ut
 Æqua Jura , miseræ tam diu , tantisque malis af-
 flictæ Europæ , restituantur ; & Liberras ac Maje-
 stas sua , firmâ stabilique Pace , Bello tam pio ju-
 sto.

stoque , & necessario quoque quæsitæ , Gentibus ac
etiam Vobis illibata servantur. Non enim Nobis
pugnamus , non Nobis vincimus ; Armis his Vi-
ctoriisque , non Angli Anglorum , sed Humani Ge-
neris , agimus negotium.



ANAPÆSTI,

cùm ab Illustrissimo

D. COMITE MAGALOTTI
SENATORIS FILICAIÆ

Odis Donaretur.

Florentiæ VII Kal. Junii. An. 1706.

VATICINIUM.



AMSTELODAMI,

M D C C X.

ANALYSIS

OF THE

REVENUE

OF THE

REVENUE

OF THE

REVENUE

OF THE

REVENUE

OF THE

REVENUE



ANAPÆSTI,

cùm ab Illustrissimo

D. COMITE MAGALOTTI
SENATORIS FILICAIÆ

Odis Donaretur.

Florentiæ VII Kal. Junii. An. 1706.

VATICINIUM.



Sidis * pridem Juvenis Cultor,
(Vatibus Ifidis nomen amicum!)
Quâque Britannæ Palladis Arx est,
Quæ Musarum Decus & Patria,

1. Redecina, suâ fulgens Luce,
Medio cursu Solis ad instar:

C 2

Stu-

* Oxonium, ad ripam Ifidis Fluvii. 1. Oxonium.

Studiisque modum, famamque dabit;
 Superis placuit, quòd regat Artes!
 Memini lætus, tempore læto,
 Librisque vacans, & mihi solùm,
 At venientis laudibus Ævi;
 Non sollicitus, metuens ipse,
 Crastina Mundo, ferretne dies
 Pacem, an Turbas, irrequieto:
 Expers curæ, dominusque mei;
 Seu meditetur Gallia Regnum,
 Sive Batâvi Libera Jura,
 Tumidus quid Iber viribus absque,
 Aut Germanus se minor usque,
 Anglia vel quæ sufficit Orbi,
 Tiberis trepidet, cujusve Padus,
 Ignavi vel Dominus Batis!
 Fatum sed non condimus ipsi,
 Superùm Rector ridet ab alto,
 Quæ sentimus somnia vitæ:
 Alium à nostro vectus in Orbem,
 Patriaque procul, laribusque meis,
 Et colloquiis semper gratis,
 SOMMERI, animâ cuncta moventis;
 Mihi tum luces nunquam longæ!
 Sed jamdudum munere pressus,
 Tempora nusquam vindico propria,

Nul-

Nullusque dies meus est ultrà !
 Gentis cui res delata foris ,
 Se despecto , consulat aliis ;
 Non ille suas agit , at partes
 Populi , aut Domini , sibi commissas :
 Nulli fidens , timeat multa ,
 Cuncta cavebit .
 Nunc movet animum quælibet aura ,
 Ventique leves , quique adversi ,
 Gaudia multùm nostra morantur :
 Anxius atqui , pendens mentis ,
 Taurino iterum aut inhiæt Gallus ,
 Iterumque novis excidet ausis ?
 Ad nihilum iterum recidantque minæ !
 Neu cede malis , Victor Amedee ,
 Altior illis , parque secundis ,
 Aspera rumpas , te Regna manent !
 Sive Batâvos agitent rixæ ,
 Et committat mortuus ipsos .
 Princeps , sed , dum vita sinebat ,
 Spes afflictis unica rebus ,
 Belgæque salus deficienti ;
 Simul Anglorum stator & Orbis :
 Hostibus at post Fata superstes ,
 Venerande tuis , Rex GULIELME !
 Intraque annum Barcino , duplex

- Passa obsidium; non sine probro,
 2. Detracta prius, liberaque manu,
 Malè captantis rerum Imperium!
 Phœbusque saus deficit ipsi!
 Rhœnus peccet quantumque mora;
 Eugenio sic Athesis limes!
 Insubria gemens, visâ rebellis,
 Mediolanum & præda Philippi!
 Auxilia inter sed tua, Princeps,
 Militat æther, Superûmque Acies.
 3. Modò concordēs Pater & natus,
 Interque Vagos Ignes primi,
 4. Angli Hospitio suprà excepti,
 Quo Sol noster, renovat Mundum;
 (Nunc Saturni stella benigne!)
 5. Quam Lodoico dira minantur?
 Ultrà, Hesperia nec premet arva.
 Mincius at erunt Adduaque tui,
 Omnis & ingens à fonte Padus:

Exul-

2. 12. Maii. Defectus solis, & Barcinonis obsidio soluta.
 3. Coniunctio Saturni & Jovis. 2. G. Arietis 24. Maii. 1706.
 4. Aries secundum Arabes Angliâ Ascendens.
 5. Nostradamus. Cent. 1. n. 50.

Aries Jovem, Cronumque monstrabit simul;
 Mutationes inde quot spectro, Deus?
 Post sæcla multa, tempus heu! malum redit.
 Quas, Celta, turbas, quasque, Itale, tunc senties?

Exultantes quam benè fuso
 Sanguine ripas ire minores!
 Ipsum & Xanthum ac Simoenta brevi,
 (Ubi pars Belli, prælia inibant
 Dii, & Deorum Genus, Heroes:)
 Dura vincent Sturaque, rivi
 Prius incelebres, mox Francorum
 Nobilitandi cladibus Amnes!
 Terrâ at ut Undis imperat Anna;
 Hincque incipient secula Magna,
 Credita Genti, summaque Rerum.
 Sic cecinerunt Druides olim,
 6. Sicque Salonæ, Cœli interpres;
 Conscia nostri, & Sidera Fati,
 Belli nunc ac arbitra Pacis;
 Galliaque horrens dabit augurium.
 Seu nova metuens Italus bella,
 Partibus aderit Venetus nostris,
 Instarque Phrygum sapiens serò:
 Rexque Eridani socias undas.
 Volvet in Æquor.
 Iber & tandem jus respiciens,
 Carolumque suum primos illi,

(Ve-

6. *Nostradamus. Cent. II. n. 100.*

In Anglia sedes erit Magni Imperi,
 Rerumque Domina seclâ peritabit tria!

(Veterum Orâclis credere si fas!)

7. Titulo Magnus, cedit honores.
 At quid nobis, quid sibi curæ,
 Dudum incerti Sarmata Juris,
 Fræna pati Gens nescia semper?
 Orbe atque vagus, vel Scythæ Cæsar?
 Aut Europæ, Patriæque simul,
 Gotthorum non fausta Tropæa!
 Ast Arma, Ferox Hungare, ponas,
 Ita Libertas emitur carò:
 Consuleque tibi, consule Mundo!
 Sacraque Phœbi, Themidisque ferens,
 Filia Recti, Diva Poëtis,
 Tene unquam, Pax alma, revisam?
 Sed cùm fractus diffilit Orbis,
 Mihi, quàm, oh! felix, quamque quieta,
 Nec opinanti statio obvenit?
 Tantùm has terras fugiunt bella;
 Non seclî, pax Principis illa!
 Sperno tumultus, sospite C O S M O;
 Dumque Arni hospes, nobilis Arni,
 Pulchram medius, qui secat Urbem;
 Conjuge Musa, quâ Filicaia,
 Prior is nostris, parque vetustis,
 Latiis, fortis; dulcis, Etruscis,

Nu-

7. *Carolus a Carolo erit Carolo Magno Major.*

Numeris; cunctis Norma canendi:
 COSMUM Cives, seque, regentem;
 COSMUM sanctos, sancta docentem;
 Et Tutamen, Decus & Musis,
 Unà secum tollit in Astra!

8. Seu cantet iter sacrum Ducis, ac
 Ilvam lætè vota morantem!
 Sistat Romæ five verendum!
 Ipsam & Romam, credite vati,
 Aliud præter se mirantem!
 Seria mittat, doceat lusus,
 9. Venatus, quos Tuscia novit;
 Populo gratos, Principe dignos,
 Civibus ipsos, nec sine fructu!
 Quid non præstat vis FILICIAE?
 Miscet versus ille severis,
 Semper nectens Utile Dulci;
 Curia nunc & carmina fundit!
 Abeunt terræ, quò feror altus?
 Mihi me incautum surripit iste,
 Dum malè renuens, prodeo vates,
 Ac alienis induor armis!
 Ad damnatas artes revocor,
 Mihi & oblitæ pænè per ævum:

D

Puer

8. *Ad Cosmum III. M. Etrurie Ducem Romam versus navigantem Ode.*
 9. *De venata Passerum Ode.*

Puer abjeci, repeto senior!
 Sic MAGALOTTUS tractat amicum?
 Insedit quem totus Apollo,
 Studiisque valens, consiliisque,
 Et Tyrrheni Gloria Regni.
 Animi quò Mens! Oh, miserere,
 Ipse canentis, pereuntisque.





VATICINIUM

CARMINE HEROÏCO.

Kal. Jun. 1706.



Pse Isidis pridem cultor florente juventâ,
Varibus oh Isidis nunquam non nomen A-
micum!

Hic Pallas, propria dominatur in Arce, Britanna;
Musarum, ante alias, Patria est hic, & Decus ingens:
Effert os terris sacrum Redecina refulgens
Luce tuâ, medio cursu quasi solis ad instar:
Illa dabit formam studiis, famamque recludet;
Artes qua Superi, certa que in sede locarunt!
Quam memini lætus, vitæ quoque tempore læto,

D 2

Cum-

Cùmque libris solùm, solùm mihi cùmque vacabam
 Sæcla animo volvens, & laudis captus amore;
 Sollicitusque parùm vicibus mutabilis ævi,
 Crastina lux turbas, vel munera ferret olivæ:
 Ipse mei Dominus, non mentem cura momordit,
 Europæ an nostræ minitetur Gallia Regnum,
 An semper Batavis cordi sint Libera Jura;
 Viribus infirmo tantus cur fastus Ibero;
 Unde potens Numeris, Germania se minor usque,
 Anglia vel toti poterit succurrere Mundo:
 An Tiberis trepidet, Padus accedatne Garumnæ,
 Bætis & ignavus stupeat quòd Gallicus erret!
 Non sua mortali concessum condere Fata,
 Nempe Deùm Rector, Cœli deridet ab Arce,
 Qualia Nos sentimus, inania somnia vitæ.
 Diversum à nostro multùm, delatus in Orbem,
 Et procul à Patria, carisque Penatibus absens,
 SOMMERI alloquiis divulsus dulcibus, æquè
 Mulcendis animis nati, natiq̃ue regendis;
 Cui res in melius licuit retulisse Britannas!
 Tum placuere Dies, nunquam cessere molesti,
 Vellem & perpetuos! sed demum munere pressò
 Tempora nec mea sunt ultrà, neque suppetit hora!
 Cui commissà foris Gentis Res Publica, tantùm
 Ille aliis vivens, aliorum Commoda novit;
 Non agit indè suas, suus est non ampliùs ille,

Sed

Sed solum Populi partes, Dominive tuetur:
 Confidat nulli sapiens, metuaturque futura,
 Incumbens operi magno quin cuncta cavebit:
 Ambiguam terret mentem nunc quælibet aura,
 Atque leves venti, arcensesque à littore puppes;
 Gaudia quàmque diù, quàm sæpe & nostra morantur!
 Pectore sollicito pendens, & multa revolvens,
 Anne iterum Gallus Taurino fervidus instet;
 En iterum ad nihilum furia recidentque minaces!
 Tu verò ne cede malis, Oh Victor Amede,
 Maxima despectans, venturis parque secundis,
 Aspera perrumpas, olim te Regnâ manebunt!
 Seu Batavos agitent rixæ, perplexaque iussa,
 Ignarusque mali committat mortuus ipsos
 Dilectus meritò Princeps, dum vita sinebat;
 Afflictis dudum, Patriæ Spes unica, rebus;
 Sola salus Bello, sola & fiducia Pacis:
 Anglorumque simul nostri qui Stator & Orbis:
 Et vel adhuc nobisque suis, hostique superstes;
 Eternùm, GULIELME, tuis, venerabile Nomen!
 Obsidium aut bis passa, intra annum, Barcino, probro
 Non sine capta priùs, neque nunc erepta furenti:
 Cunctaque Terrarum votis complexus iniquis,
 Credidit infelix, fraudi cum Bætica cessit,
 Unius Galli solem Ditione teneri,
 Atque sibi nasci famulum, famulumque reverti;

Maniolis, primo seu lumine, surgat Eois,
 Fluctibus aut Cœlo emenso, se condat Iberis.
 Sol tamen ille suus jam tandem deficit ipsi!
 Rhene, morâ quantum peccas, ut commoda turbas
 Publica! sic Athesis fiet nunc meta Sabauda
 Heroi; quantum gemit Insuber esse rebellis,
 Et Mediolanum servari præda Philippo?
 Eugenii verùm auxilia inter militat Æther,
 Inque aciem superi celeres socia agmina ducunt;
 * Infensos natum atque Patrem concordia jungit,
 Conveniunt hilares, & amico lumine splendent;
 Excepti suprâ Hospitio, quo Fata Britannis
 Currunt, & Phœbo Mundus renovatur ab Anglo:
 Hic primùm radios Saturni stella benignos
 Spargit, sed quam dira Tibi Lodoice minantur?
 Haud ultrâ Ausoniæ Gallus premet arva Tyrannus;
 Addua sub tua jura fluent, & Mincius ingens,
 Ingens atque à fonte suo Padus omnibus undis:
 Sanguine ut hostili exsultant decrescere ripas,
 Lætanturque novo mergi sic æquore campos?

Et

* *Conjunctio Saturni & Jovis. Mense Maio 1702, in Ariete, Anglia juxta Arabes ascendente.*
Nostradamus. Cen. I: n. 50.

Aries Jovem Cronumque monstrabit simul:
 Mutationes inde quot spectro, Deus!
 Post sacra multa, tempus heu malum redit.
 Quas, Celta, turbas qualque, Itale, tunc senties?

Et jam tempus adest, cùm Xanthum, cùm Simoenta,
 (Qua scissi in partes miscebant prœlia Divi,
 Heroefque, Genus Divûm, pugnaque priores;)
 Incelebrata quidem, neque carmine cognita Famæ
 Nomina, Stura brevi vincent ac Duria rivi,
 Magni & devenient Francorum cœdibus Amnes!
 Non tantùm Oceano, Terris sed & imperat ANNA,
 Jam credo incipient hinc sæcula currere magna,
 Et sperata dies, quâ nobis creditus Orbis.
 Plena Deo Druidum quondam sic turba canebat,
 * Celtaque sic, Cœli interpres, cui nota remotæ
 Imperiique vices, & sidera conscia Fati!
 Humani hæc Generis, servati & præmia recti!
 Oh felix, Tuque Ense potens, Tuque Artibus unâ,
 Anglia magna parens, Armorum atque Arbitra Pacis!
 Datque fidem superis, se Gallia fassa minorem!
 Europæ sit parta quies, nil poscimus Ipsi!
 Cauta nimis Veneti seu Gens, otîque pudendi
 Damna querens, pulchra pro libertate movebit
 Agmina, & Eridanus socium decurret in æquor.
 Hispanus Carolum jam spectat, læsæque jura;
 Vatibus & unquam si præscia corda futuri,
 Eruet ille urbes Rhodani, gentemque superbam,
 Atque

* *Nostradamus, Cent. II. n. 10.*

In Anglia sedes erit Magni Imperi,
 Rerumque Domina sæcla perstabit tria!

Atque pari titulo, magni quoque nomine ovantem,
Viribus & Fama multum superabit Iberus!

At quasi nulla forent, sequitur sua Sarmata Bella;
Æqui non patiens, aliis modò, mox sibi discors;
Incertusque labans, & Regum præda duorum:

Orbe peragrato, quâ & Ruffus in arma vagatur,
Vindictamque Gothus spirans, ducensque Triumphos,
Quis Europa gemit, nolint ipsique Suæci

Civiles; ast, Hunne ferox, compesce furores,
Libertas tanti haud fuerit, Dominoque carere;

Gallica, non tua res, agitur certamine tanto,
Nudatoque, vides, insultat Sequana Rheno;
Cur tibi communem differs, populisque salutem?

Tene unquam cenam, Phœbi Themidisque Sacer-
dos,

Oh vatum Dea Pax usquam, rectique propago!

Undique dum Turbæ, rerum dum solvitur ordo,
Insperata Deus nobis hæc otia fecit:

Rura beata nimis, quæ tantum libera Marte;

Illa quies sæcli non est, sed Principis una!

Si valeat COSMUS, somnos non tympana rumpent
Rauca meos, Arni pulchra dum & versor in Urbe,
Quâ FILICAIA canit, Divumque Hominumque
voluptas,

Vocem & formavit Tyrrheni Heliconis ad undas:

Par ille antiquis, linquens longèque recentes;

Qui

Qui fortis Latii numeris, & dulcis Etruscis,
 Ac sine rivali cunctis sit norma canendi;
 Nunc COSMUM cives, quid majus? seque regentem,
 Ipsos quique potis sanctos vel sancta docere,
 Et cui Musa favet, Musisque favetur ab illo,
 Secum suprà effert, cognatis reddit & Astris.
 Seu sacrum describit iter, ventosque morantes,
 Adventu Domini gaudens, non increpat Ilva.
 Ipsum seu Romæ sistit, Romæque verendum;
 Dumque hæret Populus defixus Principis ore,
 Nec vacat illi alios veteres memorare Triumphos,
 Nec colit ille novos sacrato carmine Divos!

* Venatus reducemve tenent, quos Tuscia plaudens
 Exhibet, & populo gratos, & Principe dignos,
 Dum sumit pœnas, & messi submovet hostem,
 Oh quò non possit se summa extendere virtus!
 Fœdere in assueto miscetur ut utile dolci,
 Grataque Musarum nectuntur gaudia curis,
 Attonitum fundit dum carmina triste Tribunal?
 Altus quò feror, & miranti terra recedit?
 Quàm mihi me incautum nunc furripit, atque renitor
 Frustra, quando omnes agitante calescimus illo?
 Et penitus desueta, extinctaque flamma resurgit;
 Damnatæque Artes, ævi sed & Orsâ remensus,
 Quas Puer abjeci, repetit maturior ætas!

E

Talia

* Ode de Venatu Passerum.

Talia non meritum MAGALOTTUS tractat amicum,
 Unius infedit pectus cui totus Apollo,
 Et sapere & fari magno concessit alumno,
 Consiliisque simul Regum, studiisque præesse!
 Quo vaga mens tendis, sedem averfata priorem?
 Tuque tui miserere canentis, Tu pereuntis!



A D

MARLBURIUM DUCEM

copiarum Britannicarum sociarumque, sub auspiciis

ANNÆ REGINÆ,

in Belgio Imperatorem.

EPIGRAMMA.

Perfidus ad Scaldim totus dum vincitur Hostis,
 Computat atque ægrè Belga Tropæa Ducis,
 Tyrrhenam properare velim tunc lætus in Aulam,
 Victricis Patriæ nuncius ipse meæ:
 Audit, miraturque ingentia facta Britannûm;
 Talia, quæ vates non cecinere fui.
 Non opus Eloquio, dictorum aut Arte magistra;
 Debeat his palmas Græcia vana suas.
 Nuper ita & tumidos implevit Gallia Fastos;
 At quorum Lodoix nunc meminisse dolet!
 Non Romana priùs sic crevit, & Anglica Virtus;
 Haud verba, Heroës, ipsa sed acta probant.

THE UNIVERSITY OF CHICAGO

LIBRARY

1000

1000

1000

1000

1000

1000

1000

1000

1000

1000

1000

1000

1000

Inscriptio in Libros DIONTSII Halicarnassensis

A D

ANTONIUM MARIAM SALVINI.

In Obsequi . Et . Amicitia .

Testimonium .

Hæc . DIONTSII . HALICARNASSENSIS . Opera .

Oxonii . Edita .

Eloquentia . Fideique . Historica . Exemplum .

Antiquitatum . Romanarum . Monumenta .

Artis . insuper . Critica .

Tentamina . an . Judicia .

Secum . ferentia .

ANTONIO . MARIE . SALVINO .

Literatura . Græca . Romana . Etrusca .

Omnigena .

Erudito . atque . Insigni .

Philologo . Oratori . Vati .

HENRICUS . DE NOVA VILLA .

Florentia . Salvino . Musis . Discessurus .

At .

Pulchra . Florentia . Boni . Salvini .

Et .

Docta . Cum Doctis . per Sexennium . Consuetudinis :

In perpetuum . Memor .

Gratus . Moerensque .

Mittit .

MDCCX.

(38)
A D M A G N U M
D U C E M.

COSME, Pater Patriæ, Nostris & amice Britannis,
Hæc, facilis, cultus accipe signa mei:
Ubertas Livii non lactea cernitur usquam,
Arguti sensus, Medicis aut Taciti:
Nuda, sine Arte, legis Gentis Monumenta Britannæ,
Quaque Fides solùm simplicitasque, nitent:
Non alio cerni, Martis velit Insula, vultu,
Haud Opus aut aliter Scriptor & ipse suum.

Quale facis Carmen! Musis & Apolline dignum:
Quale mihi Carmen, medio de fonte Leporum,
Tuscorum in Patriâ, puroque sub æthere natum!

Tho. Rymer

AD ILLUSTRISSIMUM DOMINUM

LEGATUM

NEWTON

ODE.

Qualis altricem Philomela dextram;
 Prætulit nido bene quam paterno,
 Luget amotam, tremit ægra pennis,
 Ore tremente;

Talis, imbelli citharâ, sub ipso
 Musa discessu trepidans Amici;
 Dat modos incompósitos, sonoquē
 Languet in omni.

Haud semel mœstas cecinit querelas,
 Haud semel vanas; fugiens, Etrusco
 Quas mari trades, mihi nec timebis;
 Certus eundi.

Ah! meæ te partem animæ, Britanni
 Dum fovēt læti reducem, Latinis
 Nec moror charus, neque jam superfluum
 Integer hospes.

Al

Alma quæ nutrix fuerat juventæ ;
Sit meæ custos utinam senectæ ;
Præbeat sortem melioris ævi ,
Præbeat urnam !

AD AUCTOREM

EPIGRAMMA.

Alter Nevvtonus docuit , quid Corpora possint !
Ast animi vires qui docet , alter adest .

Gul. Burnet.



(41)
PER LA PARTENZA DALLA CORTE DI TOSCANA

Dell' Illustrissimo Sig.

ARRIGO NEVVTON

Inviato Straordinario della Maestà della Regina
d' Inghilterra alla Suddetta Corte.

S O N E T T O.

Sovra il Tosco Parnaso io vidi un giorno
Turbarsi il Cielo, e non più Apollo in festa,
E gir le muse in schiera atra, e funesta
A far tra 'l duolo, e tra i sospir soggiorno.
L' orecchie io porsi sbigottito intorno,
Ove più folta era la gente, e mesta,
Quando il nome d' Arrigo in quella, e in questa
Parte sonò, ma non di gioja adorno:
E voce udj, che ancor si lagna, e grida:
Oime! che a noi l' estrema Anglia il dimanda,
Prima di suo valor nutrice, e fida.
Ed ecco innanzi fera, in ogni banda
Notte si feo, e al Ciel n' andar le strida:
Ahi troppo acerba notte, e memoranda!

Di Salvino Salvini
Consolo dell' Accademia Fiorentina.

HENRICO NEVVTON

VINCENTIUS DE AMBRA.

HÆCTibi non vanam præstantia verba salutem
 Fert è Fesuleis Litera missa jugis.
 Alloquium sterilis, Vir maxime, perlege Musæ,
 Quam tuus audacem nunc jubet esse favor.
 Scilicet in patrias quando rediturus es oras,
 Cogitur obsequio Te comitante sequi:
 Testarique Tibi, mea quantus lancinat angor
 Pectora, discessu saucia facta tuo.
 A Te, crede mihi, nullo spectanda decore,
 Hactenus erubuit nostra Camœna legi.
 Barbariem Latio trepidans miscere lepori,
 Fundere Romanas si voluisset opes;
 Censuræ subtile tuæ metuebat acumen,
 Quo castigatus iudice sermo fluit.
 Victus amore timor nunc est. Clementia (finge)
 Securam veniæ non sinat esse tua.
 Docta tamen malit minùs, atque diserta videri,
 Quàm gratam officii non retulisse vicem.
 Certè insperato properat per devia gressu,
 Atque suis majus viribus urget opus.
Nem.

Nempe reluctanti mirum est quòd carmina venà
 Congerat hæc rudibus qualiacunque notis.
 Nam licet haud nobis secessus & otia desint,
 Sit Vatum quamvis ingeniosus Amor;
 Sed mihi nullus agit præcordia languida fervor,
 Sed venæ fluxus, sed vigor omnis abest.
 Tempuserat, quando calidæ mihi flore juventæ
 Mulcebat doctam Castalis unda sitim.
 Tempus erat, Latios licuit cum tangere nervos,
 Et castigatam sollicitare chelym..
 Illa (fatebor enim) nusquam revocabilis ætas,
 Visa est facundis me annumerare viris.
 Quippe aderant faciles mihi tunc in Carmina Musæ,
 Præsentem Phœbus sufficiebat opem..
 Si grandi Heroas libuisset tollere versu,
 Celsa aderat cœptis Calliopea meis.
 Malueram Aeschyleo componere verba cothurno?
 Illico Melpomene dante Tragoedus eram.
 Malueram tenero modulari Phyllida plectro?
 Obtulit argutas blanda Thalia fides..
 Arrisit Latio quidquid perstringere versu,
 Fertilis in carmen Musa operosa fuit.
 Omnia sed fugiens, animum quoque surripit ætas,
 Et sua destituit visque vigorque senes,
 Ut torpent residues mihi nunc in Carmina vires!
 Ut venæ fluxus, qui fuit ante, riget!

Hci

Hei mihi ! Dedidici sua penè vocabula rerum,
 Certaue verborum me propè senſa latent.
 Obluctans calamum tractat manus, atque latine
 Scribere hunc aliquid res mihi viſa nova eſt.
 Sic, qui plena piger ſtetit ad Præſepia, tardus
 Pulvere in Iſthmiaco, nec benè currit equus.
 Sic, quod non tractas, eſtur rubigine ferrum.
 Sic ſterilis torpet, ni renovatur, ager.
 Sic reſidis languet viſ pigra, Henrice, Camœnz,
 Ac deſueta ſemel ſegnīs ad Arma venit.
 Indiget auxilio virtus virtutis, & uſque
 Ars, ut ſtare queat, poſtulat artis opem.
 Illa vel illa diu jubeo ne ceſſet: agendo
 Utraque vim duret, perficiatque ſuam:
 Delentur, quæ non urges, exordia: raro
 Quæ ſubeunt humeri pondera, ferre negant.
 Cura probat pulchros tantùm repetita labores:
 Ipſe fides hujus maxima vocis ero.
 Scilicet incaſum, vir doctè, Poeta ſalutor,
 Aonium raro permeditatus opus.
 Quæ mens tractavit diuturno ſedula niſu,
 Iſta vel invito noxque, dieſque refert.
 Hunc, Henrice, tibi tentaram ludere verſum?
 Pro verſu nobis ſcripta Matheliſ erat.
 Occurrunt noſtræ dilecta vocabula linguæ,
 Puncta, Superficiēs, Circulus, atque Quadrans:
 Rhom-

Rhomboides, Coni, Quadrangula, sphaera, Cylindri,
Et quæ præterea verba Mathesis habet.

Hæc animum scalpunt nobis, penetrantque medullas
Tempora nam Studii longa tulere mei.

Nomina præterea Musis inimica ministrat
Exosa aonium Philosophia melos.

Hæc me cunctarum primordia condita rerum,
Et coeli mores, ingeniumque docet.

Mirari æterni juvat immortale Magistri,
Naturæq; ingens omniparentis opus.

Me rigidum, fateor, faciunt Studia ista, tuoque
Iltius esse reus criminis ore feror.

Semper uti fluere mihi Carminis impetus idem,
Nec querulus vena deficiente forem;

Debueram aonias invisere sæpius oras,
Et non adversas excoluisse Deas.

Quidquid id est, rigor ille placet, placiturus & error
Hic mihi, vel gravius si nocuisset, erat.

Ast odit tristem scribendi oblita laborem,
At læso repit clauda Camœna pede.

Culpa mea est, fateor: nostræ at succurrere culpæ
Ingenita senibus garrulitate juvat.

Quas defueta mihi non dat fecundia vires,
Quos mihi non præstat languida Musa modos;

Hos, Henrice, mihi verbosa Senectû ministrat.
Hæc me facundum, qua licet arte, facit.

Hinc

Hinc pugnare loquax mecum si forte videbor,
 Hoc secum bellum garrula Musa gerit.
 Illo tu tantum mea carmina perlege vultu,
 Subdere Amicorum quo tibi corda soles.
 Inspice in his animi certum te pignus amantis,
 Cordis in his nostri candida signa lege.
 Mella Tibullæ ne quære leporis in illis,
 Nescius ætatis ne videre meæ.
 Carmen erit, doctæ malè quod respondeat Arti,
 Quod tibi in aure sonet non bene, carmen erit.
 Lucter at ut cultum nequicquam ducere versum,
 Difficileque via Musa senilis eat;
 Illa tamen, patrio quando te reddere cælo,
 Natalesque paras rursus adire plagas,
 Vult longam geminare tibi, Vir doctæ, salutem,
 Et dixisse suum, qua valet arte, Vale,
 Est filuisse nefas te discedente. Silebo
 Unus ego, quando cætera turba dolet?
 Non ego, crede mihi, modò justum Henrice, dolorem,
 Vel si forte velim, dissimulare queam.
 Dissimulem, mihi partem animæ de pectore tecum
 Si, in Patriam reditum dum meditare, rapis?
 At donec licuit præsentem cernere vultus,
 Et gravibus verbis, alloquioque frui;
 Jacturam nostri, furtum vel amabile cordis,
 Callidus arte tua dissimulavit Amor.

Oti-

O utinam, Vir docte, minùs mihi cognitus esses,

Nec tanto nobis junctus amore fores!

Hi me non feriant, te discendente, dolores.

Nam dolet, heu! tandem dissociandus amor.

Nulla ergo esse queat nobis diuturna voluptas,

Irasci votis cogor & ipse meis?

Crede mihi, notus dum sis, adamere necesse est.

Atque tua cunctis nobilitate pates.

Nempe tibi Phœbus, sua Phœbus carmina donat,

Quæ Venus ipsa legat, quæque Minerva probet.

Suspicit hæc quisquis, Parnassi ad culmina anhelat,

Pieridumque sacris gaudet adesse choris.

Inde suos inter te Flora cooptat Alumnos,

Etrusci residet quos penes oris honos.

Tu partem impositi tandem feliciter imples

Muneris, atque Aulam suspiciendus adis.

Dirigit usque tuos sapiens Prudentia gressus,

Consilium usque tibi resque, locusque ferunt.

Inde tibi laudum seges inclyta nascitur, inde

Est tua Principibus vita probata Viris.

Principibus placuisse Viris non ultima laus est;

Hac, Henrice, tuus laude superbit honor.

Unus (finge) probet Thufca te Cosmus in Aula,

Proh tua sub quanto Judice facta probas?

Te virtus, mihi credis, facit matura Catonem:

A te durescit una Catonis abest.

Novi

Novi ego, qui longo factus tibi proximus usu,
 Ingenium didici quàm tibi mite foret.
 Nos Fora viderunt pariter, videre Lycea;
 Unica nos vexit sæpe quadriga duos.
 Visa mihi quoties tecum illa vel illa loquenti
 Ocyor assueto præterisse dies.
 Seria multa mihi suctus narrare, dedisti
 Jucundis mecum tempora multa jocis.
 Haufimus & pleno Cocolate tumentia sæpe
 Vasa, queant gelidi queis caluisse senes.
 Visere quin etiam non dedigoatus agrestem,
 Fesuleo surgit quæ mihi rure, Domum,
 Insolita nostros implesti luce recessus,
 Qui Dominum norant condere pene suum.
 Proripis ista mihi sed tecum gaudia, quando,
 Henrice, in Patriam, non rediturus, abis.
 Regia Jussa aliis onerant tua pectora curis,
 Te Titulis augent Regia Jussa novis.
 Majores reduci tibi præparat Anglia Fasces.
 Sunt ea virtuti, debita dona tuæ.
 Jam tibi Londinum plaudet, Populique per urbem
 Monstratus digito prætereuntis eris.
 Mox ego sed viduam sine te, Vir docte, senectam,
 Et steriles ducam me minor ipse dies.
 Sculpta mihi gemina nitet ærea lamina parte.
 Ista tuæ nobis dona tulere manus.

Au-

Augusta inde graves imitatur imagine vultus,
 Inde expressa tuæ Symbola mentis habet.
 Hæc ego lustrabo quoties simulacra: valete,
 Dilecti, dicam, candida Signa Viri.
 Me tamen extra ipsum frustra Simulacra requiram,
 Subiiciant vultus quæ mihi in ære tuos.
 Ista mihi ante oculos semper versetur Imago,
 Hæc memori semper pectore Signa geram.
 Da mihi, siquid ea est, hebetantem pectora Lethen:
 Attamen haud potero non meminisse tui.
 Tu fidi officium non dedignere fodalıs,
 Sisque, Henrice, mei, quod facis, usque memor.
 Sic tua successus habeat Fortuna perennes,
 Currat inoffenso sic tua vita pede.
 Sic tibi, clausa suo quod portat Epistola verbo,
 Dent, precor o! Superi semper habere. Vale.

In discessum Illustrissimi

D. HENRICI NEVVTON

F L O R E N T I A

Epigramma.

Nevvton abit? fallor. revocare Britannia certat!
 At sint ex animo nullus abire suo.

Alexander Pol. à S. Sigism. Schol. Piar.

Correctio pag. 23. 6. Dura lege Duria.

D. HENRIKSEN, M.D.

Physician and Surgeon

Office, 100 North 3rd Street, St. Paul, Minn.

Residence, 100 North 3rd Street, St. Paul, Minn.

Consulting Physician, St. Paul Hospital

Multi quidem à typis errores, (longiùs enim aberat Auctor) circa diphthongos, sc. ut in sequentibus, Coelum, Sæculum, panẽ, circa accentus etiam, & interpunctionem, ac præsertim quoad semicolon; sed quæ sunt majoris momenti, infra legas, precor, & emendes.

ERRATA

CORRIGE.

pag. 3. lin. 10. quæ	l. neque
pag. 3. lin. 3. decòri	l. decori
pag. 3. lin. 19. Reipublicæ	l. Respublicæ
pag. 4. lin. 8. si quæ	l. sique
pag. 7. lin. 10. quandoque	l. aliquando
pag. 14. lin. pen. bucephalo	l. Bucephalo
pag. 16. lin. pen. quandoque	l. aliquando
pag. 19. lin. 13. quæriturvæ	l. quæriturve
pag. 14. lin. 3. Eloquentia	l. Eloquentiæ
pag. 25. lin. 1. infeliciter collocari	l. infeliciter collocavi
pag. 25. lin. 23. Averanus	l. Averanius
pag. 17. lin. 4. inter juris delicias te ne	l. inter ruris delicias tene.
pag. 37. lin. 13. qualis	l. qualis qualis
pag. 33. lin. 2. stephani	l. Stephani
pag. 33. lin. 4. incepti	l. incepti
pag. 35. lin. 10. dissimilisque!	l. dissimilisque! vix
pag. 38. lin. 11. Hæroes	l. Heroes
pag. 48. lin. antep. representat	l. representat
pag. 49. lin. 6. penitus	l. penitus
pag. 49. lin. 4. Heres	l. Hæres
pag. 50. lin. 6. interque	l. interque
pag. 51. lin. 4. Meliorcucci	l. Mighoracci
pag. 51. lin. 12. quandoque	l. aliquando
pag. 56. lin. 11. focratici	l. Socratici
pag. 58. lin. penult. Florentia	l. Florentiæ
pag. 59. lin. 7. Ex præfecto	l. Ex præfecto
pag. 66. lin. 11. conditum	l. conditum
pag. 75. lin. 11. secundo	l. Secundo
pag. 78. lin. 6. utemur	l. utamur
pag. 79. lin. 15. seu nunc	l. seu ut nunc
pag. 80. lin. 5. Republica rei	l. Republica
pag. 81. lin. 14. 1706.	l. 1707.
pag. 81. lin. 5. unius	l. unus
pag. 90. lin. 4. certò	l. certè
pag. 92. lin. 1. infervi	l. inferui
ibid. lin. 16. Voodvvardiani	l. VVoodvvardiani
pag. 94. lin. 2. nobismetipsis	l. nobismetipsis
pag. 105. lin. 12. Lirici	l. Liri
pag. 111. lin. 7. conditis	l. conditis
pag. 111. lin. 12. subsidet	l. subsidet

pag. 114. lin. 4. diceſſu	l. diſceſſu
pag. 119. lin. 19. Nerutoni	l. Nevvtoni
pag. 120. lin. 19. Caryophilum	l. Caryophilum
pag. 124. lin. 8. Gentes,	l. Gentes, quæq; nunc tantum exerit caput,
pag. 127. lin. 22. ne utiquam	l. neutiquam
pag. 128. lin. penult. & ult. quum nec horum vita deſit ad laudes, quod provocare licet	l. quum illorum vitam emulètur re- centes, atque horum certè vita
pag. 131. lin. ult. Caryofalum	l. Caryophilum
pag. 133. lin. 16. palatii	l. Palatii
pag. 134. lin. 11. Tunc	l. Tunc
pag. 136. lin. pen. quamdam	l. quendam
pag. 138. lin. 20. parem	l. Parens
ibid. lin. 5. noſtri	l. noſti
pag. 139. l. 2. onora	l. fortè
pag. 139. lin. 2. meoque	l. meæque
pag. 140. lin. 12. in in	l. in
pag. 141. quandoque	l. aliquando
pag. 142. lin. 11. 12. 13. ut olim ut & alibi, qui tamen jam quoque ubi- que, Romæ Mathematici retinen- tur prævalentque	l. ut olim Romæ, uti & alibi, Ma- thematici, qui tamen jam quoque ubique, retinentur, prævalent- que.
pag. 144. lin. 5. quandoque	l. aliquando
pag. 146. lin. 12. Santi	l. Sancti
pag. 147. lin. 15. fieri	l. feri
pag. 149. lin. 8. Magiſtris	l. Manuſcriptis
pag. 151. lin. 15. Turba	l. Turbæ
pag. 156. lin. 2. Grandio	l. Grando
pag. 163. lin. 11. ipſorum	l. ipſorumque
pag. 165. lin. ult. exitii	l. exitio
pag. 167. lin. 2. reperiuntur,	l. reperiuntur; atque
pag. 170. lin. pen. adſipici	l. adipſci
pag. 175. lin. 7 ea propter	l. ea propter
pag. 176. lin. 7. Eligiaci	l. Eligiaci
pag. 179. lin. 7. Romanus, ſimul	l. Romanus. Simul
pag. 180. lin. 19. ſicut	l. hoc, ut
pag. 184. lin. 1. Doctiſſimo	l. Doctiſſimoque
ibid. lin. 9. Epiſtolarum edi- tione	l. Epiſtolatum Sancti Ignatii editio- ne
pag. 186. lin. 10. ille. poenè	l. illæ. poenè
pag. 188. lin. 19. ſuperaret	l. ſupererat
pag. 189. lin. 18. alteramque alteram	l. alteramque altera
pag. 189. lin. 20. Eloquentiæ,	l. Eloquentiæ atque ſimul veritati
pag. 191. lin. 9. axcederet	l. excederet
pag. 192. lin. 12. læntè	l. lentè
pag. 199. lin. 14. ipſi	l. ipſis

IN EPISTOLIS.

ERRATA

CORRIGE.

pag. 1767. lin. 10. ne	l. me
pag. 179. lin. pen semper	l. semper
pag. 101. lin. 11. Reveritissimo	l. Reverendo admodum

IN ORATIONIBUS.

pag. 5. lin. 11. nedum	l. nedum
pag. 10. lin. 11. iniuriis	l. iniuriis
pag. 11. lin. 11. homicidię Proditori	l. homicidę [Proditori]
pag. 12. lin. 9. 10. Proditor homicida	l. [Proditor] homicida
pag. 15.	l. 3.
ibid. lin. Britannia	l. Britannia
ibid. lin. Phæbus	l. Phoebus
pag. 16.	l. 4.
ibid. lin. Britannia	l. Britanniam

IN CARMINIBUS.

pag. 13. lin. 6. Palatī	l. Palatī
pag. 20. lin. 2. coleris	l. colēris
pag. 27. lin. 2. Myllano	l. Mylliano
pag. 45. lin. 2. obice	l. obnice
pag. 47. lin. 10. Errorisque	l. errorefque
ibid. lin. 24. sitæ	l. sitne
pag. 51. lin. 1. obiex	l. obex
pag. 53. lin. 1. Procuſtes	l. Procruſtes
ibid. lin. 19. Cipri	l. Cypri
pag. 58. lin. 18. haud quaquam	l. haudquaquam
pag. 63. lin. 6. vindex	l. vindex
pag. 63. lin. antepē. Dedalus	l. Daedalus
pag. 65. lin. 7. pertæſa	l. pertæſa
pag. 67. lin. 6. Alternis	l. Alterni
ibid. lin. 7. diſta	l. diſta
ibid. lin. 11. ſtomacum	l. Stomachum
ibid. lin. 18. ſocratē	l. Socrate
68. lin. 15. in eſſe. (me.	l. ineſſe.
pag. 70. In Ep. lin. 4. itinerario mariti-	l. Itinerario Maritimo
pag. 131. lin. 5. 6. interpoſiti	l. interſperſi

EX commissione Illustrissimi, & Reverendissimi Domini Vincentii Torre Prioris S. Alexandri, & Vicarii Generalis Eminentissimi, & Reverendissimi D. D. Horatii Philippi Cardinalis Spada Episcopi Lucani, attentè legimus *Epistolas, Orationes, & Carmina, &c. Illustrissimi Domini Henrici de Nova Villa*, atque in eis plurimam eruditionem, & dicendi phrasim admirati, dignas prælo censuimus. In quorum fidem &c.

Ex hac nostra Domo S. M. Cortis Orlandingorum
Congregationis Matris Dei die 14. Febr. 1710.

*Constantinus Mansfredi Examinator Synodalis.
Constantinus Roncaglia.*

Imprimatur.

VINCENTIUS TORRE VIC. GEN.

LAURENTIUS MANSI PRO ILL. OFFICIO
SUPER JURISDICTIONE PRÆP.

